

玉函山房輯佚書

玉函山房輯佚書目

卷十二

經編詩類

魯詩故三卷

漢申培

魯詩故三卷漢申培撰培魯人官至大中大夫漢書
儒林有傳培魯人故所傳詩稱魯詩本傳云少與楚
元王俱事齊人浮邱伯受詩又云申公獨以詩經爲
訓故以教亡傳疑者則闕弗傳藝文志云詩經魯齊
韓三家二十八卷魯故二十五卷魯說二十八卷故
訓通名或稱傳者殆如毛詩之詁訓傳乎其書亡於
西晉故隋唐志皆不著錄宋王應麟當輯三家佚說
爲詩考魯詩僅十四條考儒林本傳申公弟子爲博
士十餘人孔安國主臨淮太守周霸膠西內史夏寬

城陽內史碭魯賜東海太守蘭陵繆生長沙內史徐
偃西中尉鄒人關門處忌膠東內史又曰韋賢治詩
又治禮至丞相傳子玄成以淮南中尉論石渠後亦
至丞相由是魯詩有韋氏學又王式傳云山陽張長
安幼君先事式後東平唐長賓沛褚少孫亦來事式
由是魯詩有張唐褚氏之學今諸人可徵者孔安國
有書傳論語訓詁古文孝經傳韋元成漢書本傳載
其奏議褚少孫有補史記凡所引詩皆魯詩也又司
馬遷從孔安國問古文尚書於申公爲再傳弟子史

記引詩亦爲魯詩無疑因學紀聞云魯詩出於浮邱伯以授楚元王交劉向乃交之孫其說蓋本魯詩朱氏焚周范氏家相皆從之案漢藝文志謂三家魯爲近之班志藝文本七略則劉氏世傳魯詩又一確証矣朱氏經義考謂蔡邕石經悉本魯詩今獨斷所載周頌三十一章其序與毛詩雖繁簡有不同而其義則一云云案石經魯詩殘碑載洪适隸續王氏詩考取入魯詩他書亦尚有引石經者由此推之邕所撰述其引用不與毛同皆魯詩也臧庸拜經日記云爾

雅是魯詩之學又謂唐人義疏引某氏爾雅注卽樊
光也其詩並與毛韓不同蓋本魯詩又謂王叔師楚
辭章句所引詩或與韓不同與爾雅列女傳有合蓋
魯詩也並據輯補釐爲三卷諸所引述經文異同
載其訓說有兩見者亦並採之意在互明無嫌複舉
縱不必盡出原書而根據不違乎本訓視明豐坊魯
詩世學及申培詩說之僞本固大有間矣歷城馬國
翰竹吾甫

魯詩故卷上

漢申培撰

國風

周南

關雎

周道缺詩人本之衽席關雎作司馬遷史記十二

書儒林傳遷從孔安國問安國爲申公弟子則史記所引述皆魯詩也後倣此

后夫人雞鳴佩玉去君所周康后不然詩人歎而

傷之漢書杜欽傳佩玉晏鳴關雎歎之

李奇注云云臣瓚曰此事見魯詩

昔周王承文王之盛一朝晏起夫人不鳴璫宮門

不擊柝關雎之人見幾而作

袁宏後漢紀楊賜上書後漢書楊賜傳

康王一晏起關雎見幾而作

章懷太子注此事見魯詩

關關雎鳩在河之洲

周之康王夫人晏出朝關雎預見思得淑女以配

君子夫雎鳩之鳥猶嘗見乘居而匹處也

劉向列女傳卷

三

案王應麟困學紀聞云魯詩出於浮邱伯以

按楚元王交劉向乃交之孫其說蓋本魯詩茲取

向著列女傳新序說苑及本

傳所引詩並輯錄後皆倣此

窈窕淑女君子好逑

列女傳卷一引詩

言賢女能為君子和好眾妾列女傳窈窕好貌楚

九歌山鬼王逸章句案賦庸并經日記云王叔

師楚辭章句所引詩或與韓毛不同而與爾雅列

展轉反側楚辭章句

展轉不寐貌楚辭九

服之無射楚辭章句

射厥也楚辭招魂章句

我馬虺頽蔡邕述行賦我馬虺頽而玄黃用詩作頽

茲凡石經殘碑及邕撰案朱氏經義考云蔡邕石經悉本魯詩

詩次卷上
如賸館補改

我馬玄黃同上

我馬瘖矣

瘖病也楚辭句

葛藟之楚辭句

藟巨荒也楚辭句

蕭蕭瓦置椽之丁丁

言不急於道也列女傳

赳赳武夫公侯干城劉向說苑復

茅苴

蔡人之妻作

王應麟詩考引列女傳

蔡人之妻者宋人之女

也既嫁於蔡而夫有惡疾其母將改嫁之女曰夫

不幸乃妾之不幸也奈何去之適人之道豈與之

醢終身不改不幸遇惡疾不改其意且夫采采芣

苢之草雖其臭惡猶如於埒采之終於懷擷之浸

以日親況於夫婦之道乎彼無大故又不遣妾何

以得去終不聽其母乃作芣苢之詩君子曰宋女

之意甚貞而壹也

列女傳卷四

南有喬木不可休息漢有游女不可求思

列女傳卷六引詩

翹翹錯薪言采其蓂

楚辭章句
引詩作采

蓂香草

楚辭大
招章句

遵彼汝墳

水中高者爲墳

楚辭九章
哀郢章句

汝墳

周南大夫妻作

詩考引
列女傳

魴魚鱣尾王室如毀雖則如毀父母孔邇

列女傳引
詩作毀

周南之妻者周南大夫之妻也大夫受命平治水

士過時不來妻恐其懈於王事蓋與其鄰人陳素

所與大夫言國家多難惟勉強之無有詭怒遺父
母憂昔舜耕於歷山漁於雷澤陶於河濱非舜之
事而舜爲之者爲養父母也家貧親老不擇官而
仕親操井曰不擇妻而娶故父母在當與時小同
無虧大義不罹患害而已夫鳳凰不離於爵羅麟
麟不入於陷穽蛟龍不及於枯澤鳥獸之智猶知
避害而況於人乎生於亂世不得道理而迫於暴
虐不得行義然而仕者爲父母在故也乃作詩曰
魴魚賴尾王室如毀雖則如毀父母孔邇蓋不得

魯詩故

卷上

四九
列女傳卷七

已也君子以是知周南之妻而能匡夫也
列女傳卷三

召南

維鵲有巢維鳩居之
劉向新序雜事二引詩

憂心惓惓
楚辭章句引詩作惓

惓惓憂心
楚辭九歌雲中君章句

公侯之宮
蔡邕獨斷引詩

陟彼南山言采其蕨未見君子憂心惓惓亦既見止

亦既遄止我心則悅
說苑引詩作遄

孔子曰詩之好善道之甚也如此
說苑卷上

我心則夷

夷喜也

楚辭九懷章句

甘棠

召公巡行鄉邑有棠樹決獄政事其下自侯伯至庶人各得其所無失職者召公卒而民人思召公之政懷棠樹不敢伐歌詠之作甘棠之詩史記燕世家

蔽芾甘棠勿剪勿伐召伯所茇

甘棠杜也

楚辭九懷章句

自陝以東者周公主之自陝以

西者召公主之召伯述職當桑蠶之時不欲變民

事故不入邑中舍于甘棠之下而聽斷焉陝間之人皆得其所是故後世思而歌詠之善之故言之言之不足故嗟歎之嗟歎之不足故歌詠之夫詩思然後積積然後滿滿然後發發由其道而致其位焉百姓歎其美而致其敬甘棠之不伐也政教惡乎不行孔子曰吾於甘棠見宗廟之敬也甚尊其人必敬其位順安萬物古聖之道幾哉

說苑貴德篇引

日傳

行露

名南中女者申人之女也既許嫁於鄧夫家禮不
備而欲迎之女與人言以爲夫婦者人倫之始也
不可以不正傳曰正其本則萬物理失之豪釐差
之千里是以本立而道生源治而流清故嫁娶者
所以傳重承業繼續先祖爲宗廟也夫家輕禮違
制不可以行遂不肯往夫家訟之於理致之於獄
女終以一物不具一禮不備守節持義必死不往
而作詩曰雖速我獄室家不足言夫婦之禮不備
足也君子以爲得婦道之儀故舉而揚之傳而法

之以絕無禮之求防淫慾之行焉又曰雖遠我訟

亦不女從

列女傳卷四詩考引列女傳云行露中人女作

禕

洪适隸釋漢衛尉衡方碑禕隋在公臧庸拜經

與君子偕老篇正合又曰韓詩羔羊作逶迤有釋

文可証洪适以為禕隋為韓詩予向辨其非然雖

知出三家而不能定其為魯詩也今以爾雅君子偕老篇証之信為魯詩也

蕭蕭背征

宵夜也

楚辭九歌章句

抱衾與幃

爾雅釋訓幃謂之帳城府曰爾雅是魯詩之學又曰此釋小星之抱衾與幃也據補

林有檉檉

騶虞

榘也。有心能涇江河間以爲柱。正義邢昺爾雅疏並引某氏賦
庸拜經日記云唐人義疏引某氏爾雅疏卽樊
光也。其詩與毛詩不同。蓋本晉詩據韓後倣此。

郇國之女所作也。古者聖王在上。君子在位。役不
踰時。不失嘉會。內無怨女。外無曠夫。及周道衰微。
禮義廢弛。強凌弱。衆暴寡。萬民騷動。百姓愁苦。男
怨於外。女傷其內。內外無主。內迫性情。外迫禮義。
欲傷所讒。而不逢時。於是援琴而歌。蔡邕琴操卷上
彼苗者。葭壹發五紕于嗟乎騶虞。

騶虞天子掌鳥獸官

周禮春官鍾師賈公彥疏引吳義今詩韓魯說

古有

梁騶梁騶者天子獵之田曲也

後漢書班固傳章懷太子注云魯詩

傳文選卷六左太冲魏都注

吳仁傑兩漢刊誤補遺卷六

却

柏舟

衛寡姜夫人作

詩考引列女傳依俗本作宣夫人案太平御覽引作寡姜夫人據正

寡姜夫人者齊后之女也嫁於衛至城門而衛君

死保母曰可以還矣女不聽遂入持三年之喪畢

弟立請曰衛小國也不容二庖請願同庖終不聽

衛君使人愬於齊兄弟齊兄弟皆欲與君使人告
女女終不聽乃作詩曰我心非石不可轉也我心
非席不可卷也厄窮而不閔勞辱而不苟然後能
自致也言不失也然後可以濟難矣詩曰威儀棣
棣不可選也言其左右無賢臣皆順君之意也君
子美其貞壹故舉而列之於詩也

列女傳
卷四

耿耿不寐

耿耿猶做做不寐貌

楚辭九章
遠遊章句

如有隱憂

隱憂也

楚辭九章悲回風章句

我心非石不可轉也我心非席不可卷也

列女傳卷四引詩

說苑節士篇引詩一案詩考引列女傳並作非今本作匪淺人據毛詩改今依正本

言守善篤也

劉向傳上封事

威儀棣棣不可選也

列女傳卷四

憂心悄悄愠于羣小

劉向傳上封事又說苑指武篇引詩

小人成羣誠足愠也

劉向傳上封事

遭難既多

遘遇也

楚辭哀時命章句

燕燕

定姜送婦作

詩考引列女傳

衛定姜者衛定公之夫人公

子之母也公子既娶而死其婦無子畢三年之喪

定姜歸其婦自送之至于野恩愛哀思悲心感慟

立而望之揮泣垂涕乃賦詩曰燕燕于飛差池其

羽之子于歸遠送于野瞻望弗及泣涕如雨送去

歸泣而望之又作詩曰先君之思以畜寡人君子

謂定姜爲慈姑過而之厚

列女傳卷一

燕燕于飛差池其羽之子于歸遠送于野瞻望弗及

泣涕如雨

見上

佇立以泣

佇立貌

楚辭離騷章句又九歌少司命章句

先君之思以畜寡人

此衛夫人定姜之詩也定姜無子立庶子伋是爲

獻公畜孝也獻公無禮於定姜定姜作詩言獻公

當思先君定公以孝於寡人

禮記坊記鄭元注正義云此魯詩陸德

明釋文亦

云魯詩

乃如之人德音無良

列女傳卷七引詩

不日又噎

噎開味也

楚辭九章句

凱風自南

南風曰凱風

楚辭九章句

瞻彼日月遄遄我思道之云遠曷云能來

說苑引詩

說苑作遄遄我思今本作悠悠淺人據毛詩改案爾雅惓惓惓惓憂無告也釋文惓惓禁作遄遄與

此台

急時之辭也甚焉故稱日月也

說苑辨物篇

不忒不求何用不臧

說苑知言篇引詩

采封采菲無以下體德音莫違及爾同死

列女傳卷二引詩又

卷五引下二句

與人同寒苦雖有小過猶與之同死而去況於安

新忘舊乎蓋傷之也

列女傳卷二

招招舟子

以手曰招以言曰召

釋文引王逸

行道遲遲

遲遲行貌

楚辭九歌章句

我躬不閱皇恤我後

終身之仁也

列女傳卷八

凡民有喪，匍匐救之。

說苑至公篇引詩

式微，式微，胡不歸？微君之躬，胡爲乎中路？

列女傳引詩作中路

黎莊夫人及傅母二人作

詩考引列女傳

黎莊夫人者，衛

侯之女，黎莊公之夫人也。既往而不同，欲所務者

異，未嘗得見，甚不得意。其傅母閔夫人賢反不納，

憐其失意，又恐其已見遣而不以時去，謂夫人曰：

「夫婦之道，有義則合，無義則去。今不得意，胡不去？」

平乃作詩曰：「式微，式微，胡不歸？夫人曰：微君之躬，

魯詩故

卷上

十三卷十四

胡爲乎中路終執貞壹不違婦道以俟君命君子

故序之以編詩

列女傳卷四

何其處也必有與也何其久也必有以也

惟有以者爲能長生久視而無累於物也

說苑修文篇

束兮束兮方將萬舞

束伶官名恥居亂邦故自呼而歎曰束兮束兮汝

乃白晝而舞於此

高士奇天祿識餘卷上引申公曰

執轡如組

織組者動之於此而成文於彼善御者不動於手

而盡馬力也

楚辭九歎章句

右手秉翟

其羽可持而舞

春秋正義引樊光

出宿于濟飲餞于禰女子有行遠父母兄弟

列女傳卷一引

詩作濟

已焉哉天實爲之謂之何哉

劉向新序節士篇

北風其喑雨雪霏霏惠而好我攜手同歸

列女傳卷六

靜女其姝俟我乎城隅愛而不見搔首踟躕

說苑辨物篇引

詩作俟我乎

二子乘舟汎汎其景願言思子中心養養

新序引詩

衛宣公之子伋也壽也朔也伋前母子也壽與朔
後母子也壽之母與朔謀欲殺太子伋而立壽也
使人乘舟於河中將沈而殺之壽知不能止也因
與同舟舟人不得殺伋方乘舟時伋傳母恐其死
也而作詩

劉向新序
節士篇

鄘

采芣苢實維我儀之死矢靡他

列女傳卷
六引詩

中菑之言

中壽夜也

漢書梁平王傳
晉灼注引色詩

展如之人兮邪之媛也

列女傳卷三引詩

定之方中作於楚宮

蔡邕月令章句引詩作于

匪直也人秉心塞淵

列女傳卷四引詩

蟠踞在東

蔡邕月令章句引詩作蟠

乃如之人也懷昔姻也大無信也不知命也

言變色殞命也

列女傳卷七

相鼠有皮人而無儀人而無儀不死何爲

列女傳卷七引詩諒

苑雜言篇

引下句

魯詩故

卷上

十三鄭媛館補校

十二卷十六

人而無禮不死胡侯

列女傳卷七引詩作無禮作胡侯

人而無禮胡不遄死

新序刺客篇引詩

子子干旄在浚之郊素絲紕之良馬四之彼姝者子何以異之

宣姜者齊侯之女衛宣公之夫人也初宣公夫人夷姜生伋子以爲太子又娶於齊曰宣姜生壽及朔夷姜既死宣姜欲立壽乃與壽弟朔謀構伋子公使伋子之齊宣姜乃陰使力士待之界上而殺曰有四馬白旄至者必要而殺之壽聞之以告太

子曰太子其避之伋子曰不可夫棄父之命則惡

用子也壽戾太子必行乃與太子飲奪之旌而行

盜殺之伋子醒求旌不得遽往追之壽已死矣伋

子痛壽爲己死乃謂盜曰所欲殺者乃我也此何

罪請殺我二子既死朔遂立爲太子

列女傳卷七
福山王照圓

作列女傳補注云案詩日子子干旌在浚之郊

絲絰之良馬四之彼妹者子何以界之今以傳推

之疑卽爲此事而作也必用白旌者取易以識別

也以詩言素絲故知爲白旌也浚衛之界上邑姜

使力士待伋之地也妹忠順貌妹于謂伋子也界

與也言彼四馬白旌忠順之子何故以此界之深

痛惜之辭也此蓋出於魯詩之說而劉氏述之與

毛詩異也其敘夷姜與左傳又異蓋皆本之魯詩

耳要遮也史記曰令盜遮界上殺之與太子白旄而告界盜見持白旄者殺之義與此合茲據補錄

彼姝者子何以予之

列女傳卷一引詩

彼姝者子何以告之

同上

載馳載驅歸唁衛侯驅馬悠悠言至于漕大夫跋涉我心則憂既不我嘉不能旋反視爾不臧我思不遠許穆夫人者衛懿公之女許穆之夫人也初許求之齊亦求之懿公將與許女因其傅母而言曰古者諸侯之有女子也所以苞苴玩弄繫援於大國也言今者許小而遠齊大而近若今之世强者爲

雄如使邊境有寇戎之事維是四方之故赴告大
國妾在不猶愈乎今舍近而就遠離大而附小一
旦有車馳之難孰可與慮社稷衛侯不聽而嫁之
於許其後翟人攻衛大破之而許不能救衛侯遂
奔走涉河而南至楚邱齊桓往而存之遂城楚邱
以居衛侯於是悔不用其言當敗之時許夫人馳
驅而弔唁衛侯因疾之而作詩曰載馳載驅歸唁
衛侯驅馬悠悠言至于漕大夫敗涉我心則憂既
不我嘉不能旋反視爾不臧我思不遠君子善其

詩故

卷上

白女傳卷十八

慈惠而遠識也

列女傳

白爾所思不如我所之

列女傳卷二
又卷三引詩

衛

張海猗猗

正義引某氏曰紫鹿蓐也又曰竹篇蓄也

詩竹作薄音徒沃反薄篇筑也石經同賦琳經義

云此所指石經亦漢無平石刻也石經為魯詩然

則韓魯同作薄案某氏訓竹為篇蓄即篇筑也韓

作篇筑毛作篇竹則作篇蓄者魯訓也釋文云韓

與石經同者薄字也釋當依某氏

作竹者正義順詩改茲並訂正

紫鹿蓐也薄篇蓄也

上見

有斐君子如切如磋如琢如磨瑟兮僖兮赫兮喧兮

有斐君子終不可諼兮

列女傳卷八引詩說苑建本篇引如切二句

碩人其頤衣錦綢衣齊侯之子衛侯之妻東宮之妹

邢侯之姨譚公維私

列女傳卷一引詩蔡邕青衣賦用碩人其頤句

傅母者齊女之傅母也女爲衛莊公夫人號曰莊

姜姜交好始往操行衰惰有冶容之行淫佚之心

傅母見其婦道不正諭之曰子之家世世尊榮當

爲民法則子之質聰達於事當爲人表式儀貌壯

麗不可不自修整衣錦綢衣飾在輿馬是不貴德

也乃作詩曰碩人其頤衣錦綢衣齊侯之子衛侯

之妻東宮之妹邢侯之姨譚公維私砥厲女子之
以高節以爲人君之子弟爲國君之夫人尤不可
有邪僻之行焉女遂感而自修君子善傳母之防

未然也

列女傳卷一

頰如螭螭

紫色青衣賦川詩語作螭

螭首蛾眉

蛾眉好貌

楚辭離騷章句

大夫夙退無使君勞

其君謂小君也

列女傳卷二

河水油油

楚辭章句引詩作油

油油流貌也

楚辭章句

波涕漣漣

楚辭章句引詩作波

漣漣流貌也

楚辭章句

士之耽兮猶可說也女之耽也不可說也

列女傳卷七引詩

女也不爽

列女傳一引詩

芄蘭之枝童子佩觿

說苑引詩作枝

說行能者也

說苑修文篇

一葦杭之

杭渡也

楚辭九章惜願章句

企予望之

企立貌

楚辭九章章句

杲杲出日

日以喻君

楚辭九章章句

報之以瓊瑤

石次玉曰瑤

楚辭離騷章句又九歌章句云瑤石次王者

王

彼黍離離彼稷之苗行邁靡靡中心搖搖知我者謂

我心憂不知我者謂我何求悠悠蒼天此何人哉

說苑

奉使篇引詩新片節士篇引行遣
八司列女傳卷三引知我者四句

壽閔其兄之且見害作憂思之詩黍離之詩是也

新片節
士篇

中谷有蓷

蓷臭穢

陸機毛詩草木鳥獸魚疏卷上引劉歆
案歆劉向子亦本父學傳魯詩後微此

吸其泣矣何嗟及矣

列女傳卷七說
苑建本篇引詩

大車

息君夫人作

詩考引
列女傳

夫人息君之夫人也楚伐息

破之虜其君使守門將妻其夫人而納之於宮楚
王出遊夫人遂出見息君謂之曰人生要一死而
已何至自苦妾無須臾而忘君也終不以身更貳
離生離於地上豈如死歸於地下哉乃作詩曰穀
則異宰死則同穴謂予不信有如皎日息君止之
夫人不聽遂自殺息君亦自殺同日俱死楚王賢
其夫人守節有義乃以諸侯之禮合而葬之君子
謂夫人說於行善故序之於詩

列女傳
卷四

大車檻檻

檻檻車聲也楚辭九歎章句

穀則異室死則同穴謂予不信有如皎日列女傳卷四引詩又

引下二句作皎

鄭

執轡如組兩轡如舞

善御之謂也新序雜事五

叔于田一章女曰雞洪适隸續載石經魯詩殘碑跋云惟有叔于田一章女曰雞入

字可證

弋鳧與鴈正義引某氏爾雅注

魯詩故

卷上

十九 鄭媛館補校

在野舒翼飛遠者曰鳬

禮記正義釋元應一切經音義並引某氏爾雅注

彼己之子舍命不渝

新序義勇篇引詩作己列女傳卷五引作其後人依毛詩改茲

據新

序

彼己之子邦之司直

新序節士篇引詩

佩玉鏘鏘

楚辭章句引詩作鏘

鏘佩聲也

楚辭九歌章句

彼美孟姜德音不忘

列女傳卷四又卷八引詩

薜兮薜兮風其吹汝叔兮伯兮倡予和汝

列女傳卷三引詩作

汝

子衿

詩考引石經作衿

野有蔓草零露漙漙兮有美一人清揚婉兮邂逅相遇

適我願兮

說苑尊賢篇引詩

齊

東方未明顛倒衣裳顛之倒之自公召之

說苑奉使篇引詩

魏

好人媿媿

媿媿好貌也

楚辭七諫章句

惟是褊心是以爲刺葛屨

下

汾一曲言采其蘋彼其

之子美

下缺。○錄續石經殘碑。○列女傳卷五引惟是隔心二句。

心之憂矣我歌且謠

列女傳卷四引詩

之誰知

缺

之蓋亦勿思罔有棘其實之

下缺。父兮父一

字

日嗟予子行役夙夜母已尚愼

下缺

猶來母死

石經殘碑

陟彼岵兮瞻望母兮

列女傳卷三引詩

陟岵三章章六句十

下缺。兮石經殘碑

伐檀

伐檀操者魏國女之所作也傷賢者隱避素餐在

位閔傷怨曠失其嘉會夫聖王之制能治人者食

於人治於人者食於田今貧者隱退伐木小人在
位食祿懸珍奇積百穀并包有土德澤不加百姓
傷痛上之不知王道之不施仰天長歎援琴而鼓

之

蔡世琴
採卷上

不稼不穡胡取禾三百廛兮不狩不

下缺
經殘碑石

彼君子兮不素餐兮

楚辭章
句引詩

謂居位食祿無有功德名曰素餐也

楚辭九
辯章句

特兮彼君子兮不素食兮飲飲伐輪兮

下缺
經殘碑石

彼君子兮不素餐兮

列女傳卷一引詩
苑修文篇引下一句

說

晉詩故

卷上

十一 如左僊補校
十一卷二十四

無功而食祿不為也

列女傳卷一

碩鼠碩鼠

歐陽詢藝文類聚卷九十五引
樊光日詩碩鼠即爾雅鼯鼠也

母食我黍三歲宦女雖我有碩逝將去女

下缺○石
經殘碑

案坎作飲貫作

宦三章當並同

適彼樂土適彼樂土爰得我所

新序雜事五引詩下
句亦作適彼樂土

宦女莫我冒勞

缺將去女適彼樂郊樂郊

下缺○石
經殘碑

唐

蟋蟀在堂歲事其逝今我不樂日月其

下缺○石
經殘碑

無已太康職思其憂

列女傳卷三
引詩作太

好樂無荒良士休休

言不失利也

列女傳卷一

何山有蔭隈有榆子有衣裳

下

酒食胡不日鼓

瑟且以喜樂

下缺○石經殘碑

作蟋蟀三章章八句

樞作甚何作胡

案句字屬上篇當

天子食日舉樂諸侯不釋縣大夫士日琴瑟御

春秋

公羊傳隱五年何休法引魯詩白虎通禮樂篇引詩傳曰大夫士琴瑟御又引傳曰天子食日舉樂

御字

據補

素衣朱綃

儀禮士昏禮鄭元法引魯詩禮記正義亦云魯詩為補

綃綺屬也

儀禮士昏禮注

魯詩故

卷上

三
卷
上

既見君子云胡其憂揚

下缺○石經殘碑

椒聊且

椒聊香草也

楚辭悲命章句

彼其之子碩大且鶯

說苑立節篇引詩

羔裘豹祛

祛袖也

楚辭哀時命章句

百歲之後歸乎其居

蔡邕釋誨川詩語作乎

秦

有車

楚辭章句引詩作駟

麟車聲是辭九歌大司命章句

既見君子並坐鼓瑟列女傳卷六引詩

襄公於是始國與諸侯通使聘享之禮史記秦本紀

公之媚子從公子狩列女傳卷八引詩

惜惜良人秩秩德音列女傳卷二引詩作惜

黃鳥

繆公卒葬雍從死者百七十七人秦之良臣子與

氏三人名曰奄息仲行鍼虎亦在從死之中秦人

哀之爲作歌黃鳥之詩史記秦本紀

歌彼晨風鬱彼北林未見君子憂心欽欽如何如何

忘我實多說苑奉使篇引詩

我送舅氏曰至渭陽何以贈之路車乘黃

穆姬死穆姬之弟重耳入秦秦送之晉是為晉文

公太子嘗思母之恩而送其舅氏也作詩曰我送

舅氏曰至渭陽何以贈之路車乘黃君子曰慈母

生孝子列女傳卷二

於我乎厦屋渠渠楚辭章句引詩作厦

厦大殿也楚辭九章哀郢章又指魂章何云厦一作夏

陳

子之蕩兮

蕩蕩無思慮貌也

楚辭離騷章句

東門之池

停水曰池

釋文引孔安國○案孔安國中公弟子據韓後倣此

彼美淑姬可與寤言

列女傳卷二引詩又引作彼美孟姜可與寤言王照圓補注此

本二詩傳

以意合之

衡門之下可以棲遲泌之洋洋可以療饑

列女傳卷二引詩

泌邱

蔡邕郭林宗碑棲遲泌邱又周巨勝碑洋洋泌邱是用魯訓作邱解束皙立居釋亦曰夫何為

乎秘即張揖廣雅釋詁即上有木爲
松即然則齊韓詩或作秘亦以即訓

墓門有棘斧以斯之夫也不良國人知之知而不已
誰昔然矣墓門有棘有鴉萃止夫也不良歌以諱止
諱予不顧顛倒思予
列女傳卷八引詩楚辭章句引
墓門有棘有鴉萃止二句又引
諱予不顧句棘
字諱字據訂

解居父聘吳過陳之墓門見婦人負其子欲與之
淫汰肆其情欲婦人則引詩刺之曰墓門有棘有
鴉萃止言墓門有棘雖無人猶有鴉汝獨不愧也
楚辭天
問章句

辨女者陳國采桑之女也晉大夫解居甫使於宋
道過陳遇採桑之女止而戲之曰女爲我歌我將
舍汝採桑女乃爲之歌曰墓門有棘斧以斯之夫
也不良國人知之知而不已誰咎然矣大夫又曰
爲我歌其二女曰墓門有棘有鴟萃止夫也不良
歌以訊之訊予不顧顛倒思予大夫曰其棘則有
其鴟安在女曰陳小國也攝乎大國之間因之以
饑饉加之以師旅其人且亡而況鴟乎大夫乃服
而釋之君子謂辨女真正而有辭采順而有守女

得卷八王照闕補注引楚辭注以為據注及此傳

所云蓋皆魯詩之說也又謂樛當作棘馬氏瑞辰

曰今按王篇古文某作樛界形相似棘

蓋為作樛因之毛詩作梅又作樛耳

許諫也建衛離騷章句

陽如之何爾雅釋詁郭

陽予也

爾雅釋詁案郭注於陽字

有蒲與茄正義樊光周雅

拾

狐裘逍遙楚辭章句引

逍遙遊戲也楚辭九歌

我心傷悲聊與子同歸

列女傳卷四引詩無兮字

旖旎其華

楚辭章句引詩案

旖旎盛貌

楚辭九章句

匪風飄兮

飄風貌

楚辭九章句

誰能烹魚漑之釜蕭誰將西歸懷我好音

說苑引詩作懷我漑

蕭章句引漑之釜蕭句

替釜也

楚辭九章句

物之相得固甚微矣

說苑善說篇

曹

蜉蝣之羽

蜉蝣冀中蛄蟲隨陰雨爲之朝生而夕死

陸璣疏引樊光

尸鳩在桑其子七兮淑人君子其儀一兮其儀一兮

心如結兮

說苑列女傳引詩並作尸鳩

尸鳩之所以養七子一心也君子所以理萬物者

一儀也

說苑反質篇引傳曰

言心之均一也尸鳩以一心養

七子君子以一儀養萬物一心可以事百君百心

不可以事一君

列女傳卷一

淑人君子其儀不忒

列女傳卷四引詩

言善人君子於威儀無差忒孔安國孝經傳

其儀不忒正是四國列女傳卷一引詩

荷戈與綴禮記樂記鄭元注引詩作綴正義云鄭見齊魯韓詩本

慨我寤歎楚辭章句引詩作慨

慨歎貌也楚辭九章句

幽楚辭章句

有鳴倉庚

鴛黃一名倉庚又曰商庚禮記正義引某氏爾雅注

女執伊筐蔡邕考城縣頌按此魯詩鄭作伊

四月秀蓂

此味苦苦蓂也

詩慎說文解字
艸部引劉向說

三之日納于凌陰

凌冰凜也

釋文引
樊光

萬壽無疆

蔡邕上始加元服
與羣臣上壽表

鳴鵒

周公歸報成王乃爲詩貽王命之曰鳴鵒

史記魯
周公世

零雨其蒙

楚辭章句
引詩作蒙

蒙蒙盛貌

楚辭七諫章句

蜎蜎者蠋

正義引笑光

亦孔之將

孔甚也

楚辭九章懷少章句

九戩之魚

正義引釋魚樂光注

魯詩故

卷上

天都張館補校

十三卷三十一

魯詩故卷中

小雅

小雅譏小民之得失其流及上

史記司馬相如傳贊

呦呦鹿鳴食野之苹我有嘉賓鼓瑟吹笙吹笙鼓簧

承筐是將人之好我示我周行

蔡邕琴操引詩
莊子章句引首二句反

吹笙鼓簧句

鹿鳴操者周大臣之所作也王道衰君志傾留心

聲色內顧妃后設旨酒嘉穀不能厚養賢者盡禮

極歡形見於色大臣昭然獨見必知賢士幽隱小

人在位周道凌遲必自是始故彈以諷諫歌以感
之庶幾可復歌呦呦鹿鳴食野之苹我有嘉賓鼓
瑟吹笙吹笙鼓簧承筐是將人之好我示我周行
此言禽獸得美甘之食尚知相呼傷時在位之人
不能乃援琴而刺之故曰鹿鳴

蔡邕琴操卷上

仁義陵遲鹿鳴刺焉

史記十二諸侯年表

笙中有舌曰簧

楚辭九歌章句

鹿鳴三章

蔡邕琴賦

僣僣征夫每懷靡及

說苑奉使篇列女傳卷二引詩並作莘莘楚辭章句引昔飭作

仇仇云一作華是魯詩華與

仇通用也茲依楚辭章句

仇仇往來聲也楚辭指魂章句夙夜行行猶恐無及況欲

懷安將何及矣人不求及其能及乎列女傳卷二

載馳載驅周爰咨謀說苑貴德篇引詩

不韡韡蔡邕彈琴賦用詩語作韡

死喪之威兄弟孔懷

言死可畏之事唯兄弟甚相懷列女傳卷八

和樂且沈楚辭招魂章句引詩作沈

是究是圖直其然乎列女傳卷六引詩

伐木丁丁鳥鳴嚶嚶

周德始衰頌聲既寢伐木有鳥鳴之刺蔡邕正義論

嚶其鳴矣求其友聲楚辭七諫章句引詩

俾爾遐厚桑柔正義某氏爾雅注引詩作豐

吉圭為饁鄭元周禮秋官蜡氏注引詩作圭賈公彥疏彼蓋是三家詩

圭絜也同上

採薇蔡邕和熹鄧后諡議家

周宣王命南仲吉甫攘獫狁威蠻荆蔡邕諫伐解卑諫

昔我往矣楊柳依依

據時所見自傷哀也

楚辭招魂章句

既見君子我心則降

列女傳卷六引詩

執訊獲醜

訊問也

楚辭九歎章句

物其有矣維其時矣

物之所以有而不絕者以其動之時也

說苑辨物篇

我有旨酒嘉賓式燕以樂

列女傳卷一引詩作燕

言尊賓也

列女傳卷一

既見君子我心寫兮

列女傳卷六引詩

魯詩故

卷中

三鄭媛館補校

和爲雍雍萬福攸同

和設軾者也鸞設衡者也

後漢書輿服志劉昭注引鸞訓

鸞設於

鐔和設於軾馬動則鸞鳴鸞鳴而和應行之節也

說苑說鸞篇

湛湛露斯

湛厚也

楚辭九章悲同風章句

匪陽不晞

晞乾也

楚辭九歌少司命章句

菁菁者莪在彼中阿旣見君子樂且有儀

列女傳卷六引詩

既見君子我心則喜

列女傳卷六引詩

汎汎揚舟

楊木名也

楚辭九章遠遊章句

薄伐玁狁至于太原

史記

吉甫燕喜既多受祉來歸自錫我行永久

列女傳引詩

吉甫之歸周厚賜之

漢書劉向傳理甘延壽陳湯疏

張仲孝友

蔡邕爲陳留縣人孝子狀用詩語

蠶爾蠶荆

蠶蠶無禮義貌也

楚辭九章章句

嘽嘽煇煇如霆如雷顯允方叔征伐獫狁蠻荆來威

昔周大夫方叔吉甫爲宣王誅獫狁而百蠻從

劉向傳理甘延壽陳湯疏並引其詩云云

東有圃草楚辭章句引詩作圃

圃野樹也楚辭章句

瞻彼中原其廢孔有正義某氏爾雅注引詩案外箋祁當作廢亦用魯詩也

劬勞于野

劬亦勞也楚辭九歎章句

鶴鳴于九臯

澤曲曰臯

楚辭離騷章句

白駒

白駒操者失朋友之所作也其友賢居任也衰亂

之世君無道不可匡輔依違成風諫不見受國士

詠而思之援琴而長歌

蔡邕琴操卷上

摯之維之

摯絆也

楚辭九歌山鬼章句

斯干

周室既衰而奢侈宣王賢而中興更爲儉宮室小

晉詩故

卷中

王如女會不七
十二卷三十六

寢廟詩人美之斯千之詩是也上章道宮室之如

制下章言子孫之衆多也

漢書鮮于傳諫
營起昌陵疏

噦噦其真

正義某氏爾雅注引詩

上芽下簞

正義樊光引詩

維虺維蛇女子之祥

劉向五行傳論引詩

無非無儀唯酒食是議

以言婦人無擅制之義而有三從之道也

列女傳卷二

九十其俅

黃牛黑脣曰俅

正義引某氏

赫赫師尹民具瞻瞻

赫赫顯盛也師太師尹氏周之三公也具皆也爾

女也言居顯盛之位衆民皆瞻仰之所行不可以

違天地之經也

孔安國
孝經傳

正月繁霜我心憂傷民之訛言亦孔之將

霜降失節不以其時其詩曰正月繁霜我心憂傷

民之訛言亦孔之將言民以是爲非甚衆大也

漢書

劉向傳條
災異封事

謂天蓋高不敢不踴謂地蓋厚不敢不跲

說苑引詩
作踴蔡邕

釋誨天高地厚助而踏之亦作弱

賢者不遇時常恐不終焉說苑敬慎篇

維號斯言有倫有脊列女傳卷六引詩

赫赫宗周褒姒滅之列女傳引詩作滅

褒姒者童妾之女周幽王之后也初夏之衰也褒

人之神化爲二龍同於王庭而言曰余褒之二君

也夏后卜殺之與去莫吉卜請其粢藏之而吉乃

布幣焉龍忽不見而藏粢積中乃置之郊至周莫

之敢發也及周厲王之末發而觀之粢流於庭不

可除也王使婦人裸而諫之化爲玄蜭入後宮宮
之童妾未毀而遭之旣笄而孕當宣王之時產而
無夫而乳懼而棄之先是有童謠曰歷弧箕服實
亡周國宣王聞之後有人夫婦賣歷弧箕服之器
者王使執而戮之夫妻夜逃聞童妾遭棄而夜號
哀而取之遂竄於褒長而美好褒人始有獄獻之
以贖幽王受而嬖之遂釋褒姒故號曰褒姒旣生
子伯服幽王乃廢申侯之女而立褒姒爲后廢太
子宜咎而立伯服爲太子幽王惑於褒姒出入與

之同乘不卹國事驅馳弋獵不時以適褒姒之意
飲酒流湏倡優在前以夜續晝褒姒不笑幽王乃
欲其笑萬端故不笑幽王爲燧燧大鼓有寇至則
舉諸侯悉至而無寇褒姒乃大笑幽王欲悅之數
爲舉烽火其後不信諸侯不至忠諫者誅唯褒姒
言是從上下相諛百姓乖離申侯乃與緄西夷犬
戎共攻幽王幽王舉燧燧徵兵莫至遂殺幽王於
驪山之下虜褒姒盡取周賂而去於是諸侯乃卽
申侯而共立故太子宜咎是爲平王自是之後周

與諸侯無異詩曰赫赫宗周褒姒滅之此之謂也

列女傳卷七

終其永懷又窘陰雨

蔡邕述行賦終其永懷窘陰雨今用詩語為之

憂心隱隱

楚辭章句憂也釋文

引詩作隱隱案爾雅釋訓殷殷出慙慙云焚光於謹反即隱字

之音是焚與王逸同

隱隱憂也

楚辭九歎章句

速速方轂

蔡邕釋詁子注引毛

用詩語後漢書蔡邕傳章懷太長詩注作速速云韓詩亦同此

作載者蓋謂小人而行方猶並也案

乘龍方轂此是魯義

天天是桮

蔡邕釋詁天天是桮

天天是加用此詩語也作天天重文

哀此荒獨

楚辭離騷章句引詩作荒

十月之交

漢書顏師古注引魯詩

朔日辛卯日有蝕之亦孔之醜彼月而微此日而微

今此下民亦孔之哀

劉向引詩作蝕

當是之時日月薄蝕而無光

漢書劉向傳條災異封事

日月鞠凶不用其行四國無政不用其良

同上引詩作鞠

此日而食于何其臧

閭婁驕扇日以不臧

漢書谷永傳云云顏師古注魯詩小雅十月之交篇曰此

日而食于何不臧

曄曄震電

楚辭章句引詩作曄

曄電貌

楚辭九章遠遊章句

百川沸騰山冢卒崩高岸爲谷深谷爲陵哀今之人

胡惜莫懲

劉向引詩作卒

天變見于上地變見于下水泉沸騰山谷易處

漢書

劉向傳條災異封事

閭婁扇方處

漢書谷永傳閭婁扇古注引魯詩

言厲王無道內寵熾盛政化失理故致災異日爲

之食爲不善也

顏師古注引魯詩言厲王云云據補

魯詩故

卷中

九如鄭注

十一卷四十

屈勿從事不敢告勞無罪無辜讒口啓啓

劉向引詩作密勿又

作啓

君子獨處守正不撓衆枉勉彊以從王事則反見

憎毒讒慝

漢書劉向傳條災異引其詩云云

攸攸我里

某氏爾雅注引詩作攸

降喪饑饉斬伐四國

新序引詩作饑

夫政不平乃斬伐四國

新序雜事五

薰胥以鋪

蔡邕釋誨云下獲薰胥之刑案漢書敘傳云下獲薰胥以刑晉灼注齊韓魯詩作薰胥此

作薰則魯與齊韓又小異

黜帥也從人得罪相坐之刑也

漢書晉灼注作薰燎詩考改

聽言則對

新序引詩作對

昊天疾威敷于下土

言天道好生疾威虐之行于下土也

列女傳卷八

歆歆訕訕亦孔之哀謀之其臧則具是違謀之不臧

則具是依

劉向傳作詩作歆歆

衆小在位而從邪議歆歆相是而背君子

漢書劉向傳條

災異封事

如彼泉流無淪胥以敗

列女傳卷三引詩

皆詩故

卷中

十婦嬖館補校

人知其一莫知其他

列女傳卷三引詩說苑緝言篇引作化今依之

戰兢兢兢如臨深淵如履薄冰

說苑敬慎篇兩引詩又政理篇引下二句

蔡邕釋誨又中鼎銘俱用首句

自危懼之詩也臨深淵恐墜履薄冰恐陷言常不

敢自康也

孔安國孝經傳

明發不寐

楚辭章句引詩蔡邕和喜鄧后證議亦用此句

發旦也

楚辭招魂章句

彼昏不知一醉日富

列女傳卷八引詩作一

各敬爾儀天命不又

新序雜事五引詩

教誨爾子式穀似之

列女傳卷一又卷八引詩

夙興夜寐無忝爾所生

古文孝經引詩作亡忝孔傳作無忝用魯詩今文也依傳

訂

言日月流邁萬不我與當夙起夜寐進德修業以

無忝辱其父母也

孔安國孝經傳

小卞

漢書杜欽傳小卞之作可為寒心師古曰卞音盤案杜欽引國賦臣瓚曰此魯詩也知引小卞

亦用魯詩

條條周道鞠為茂草

蔡邕述行賦周道鞠為茂草約川詩二句語爾雅釋訓條條羅

禍毒也賦庸曰此釋小弁跋取周道也又曰爾雅是魯詩之學據補

魯詩故

卷中

士姬婦補按

假寐永歎

不脫冠帶而卧曰假寐楚辭九懷章句

莞彼柳斯鳴蜩嘒嘒有淮者淵莞華泝泝說苑引詩作嘒嘒作

莞

言大者之旁無所不容說苑雜言篇

譬彼痍木疾用無枝正義其氏爾雅注引詩釋文引樊光同

行有死人尚或瑾之列女傳卷五引詩

君子無易輟言釋文由與輟聲相近璣經義雜記

猶以為周氏所見未有作無易輟言者案周氏于字文又云俊父密勿與劉向引詩密勿從事同知

所據者亦魯詩也據補

昊天太憮予慎無辜

新序館士篇引詩作太

君子信盜亂是用暴

列女傳卷七引詩

盜言孔甘亂是用餒

同上

止其維王之邛

同上又說苑引詩

此傷姦臣蔽主以爲利者也

說苑政理篇

遯遯遯免遇犬獲之他人有心予忖度之

史記春申君列傳引

人三句在下

我聞其聲不見其人

列女傳卷三引詩作人

為鬼為蜮

蜮短狐也楚辭大招章句

斐兮斐兮成是貝錦彼諂人者亦已太甚說苑立節篇引詩作

太

揚兮豹虎豺虎不食投畀有北有北不受投畀有昊

說苑建本

諫我如遺新序雜事篇引詩秦蔡邕正交諫谷風有

可蔡用經意也今依劉氏

周道如砥其直如矢君子所履小人所視說苑正公篇引詩是

辭七諫章句
引上二句

其平如砥砥石也

楚辭招魂章句引詩案即別道如砥之詩傳也

若若公子行彼周行

楚辭九章章句引詩作若若下句作周道案叔師訓行爲道則

原本作行明矣傳寫之誤據注正之

行道也

楚辭九章句

契契寤歎

楚辭章句引詩作契云一作挈

契契憂貌也

同上

西有長庚

長庚星名

楚辭九章遠遊章句

舊詩故

卷中

三如女命和未
十二卷四十四

亂離斯瘼矣其適歸

說苑引詩作斯瘼

此傷離散以爲亂者也

說苑政理篇

廢爲殘賊莫知其尤

言怙於惡不知其爲過

列女傳卷八

眷眷懷顧

眷眷顧貌

楚辭九歌章句

靖恭爾位好是正直神之聽之介爾景福

說苑貴德篇引詩作

恭

淑人君子其德不回

列女傳卷五引詩

鼓鐘

昭王時鼓鐘之詩所爲作

正義引中侯提河紀云以爲鄭時未見毛詩

依三家爲說也

以雅以南

蘇任侏離

後漢書陳禪傳引詩以雅以南云云章懷太子注蓋見齊魯之詩

楚楚者資

楚辭章句引詩作資

資蒺藜也

楚辭章句

執爨踣踣

興炊竈也

楚辭九歎章句

禮儀既備

蔡邕東巡頌序用詩語

以我剡耜

爾雅釋詁剡耜利也郭璞引詩作剡耜以楚辭章句通之知為魯詩據補

剡利也

楚辭補注章句

左之左之君子宜之右之右之君子有之

說苑修文篇引詩列

女傳卷一

引上二句

君子者無所不宜也

說苑修文篇引傳曰

其有之是以似之

新序雜事一引詩作唯

樂酒今昔

楚辭章句引詩作昔

昔夜也言可以終日自娛樂也

楚辭大招章句

展彼碩女令德來教

列女傳卷八引詩作展

式歌且舞

蔡邕上始加元服與羣臣上壽表用詩節

高山仰止景行行止

史記孔子世家贊說苑雜言論列女傳卷二並引詩

營營青蠅止于蕃

史記滑稽傳引詩作替楚辭章句引首句

青蠅變白使黑變黑使白以喻讒佞

楚辭九歎章句

側弁之俄屢舞僊僊

側弁之俄言失德也屢舞僊僊言失容也

說苑反質篇

既醉而出並受其福醉而不出是謂伐德

既醉以酒既飽以德既醉而出並受其福賓主之

禮也醉而不出是謂伐德賓主之罪也

同上

有責其首

書盤庚正義司馬貞史記索隱並引樊光爾雅注引詩作責

民之無良相怨一方

下至幽厲之際朝廷不和轉相非怨詩人疾而憂

之曰民之無良相怨一方

漢書劉向傳條災異封事

毋教猱升木

列女傳卷一引詩

雨雪庶庶見睍事消

漢書劉向傳條災異封事引詩作庶又作事

有苑者柳

苑盛貌也

楚辭九歌章句

彼都人士綢直如髮

列女傳卷四引詩

都人士四章

禮記緇衣引詩云彼其容不改出言有章

都人士狐裘黃黃行歸于周處民所

望鄭元注此詩毛氏有之三家

年左傳引詩曰行歸于周萬民所望服虔注逸詩

也詩小雅正義云時三家列於學官毛詩不得立故服以爲逸茲據補都人士四章云

終朝采芣

楚辭章句引詩作菜

菜王芻也

楚辭章句

原隰既平泉流既清

說苑建本篇引詩

隰桑有阿其葉有幽既見君子德音孔膠

列女傳卷二引詩

心乎愛矣遐不謂矣忠心藏之何日忘之

古文孝經引詩作忠

魯詩故

卷中

六經館補校
十二卷四十一

孔傳亦解作忠安國為申培弟子定守師訓新序
雜事五引詩作中後人因毛詩改之茲依孔氏
還不謂矣言謂之也君子心誠愛其心則遠乎不
以善事終之也君子忠心實善則何得忘謂其上
乎言每欲語之也孔安國
孝經傳

有鷺在梁

鷺鵒鷺也楚辭大
招章句

月離于畢俾滂池矣史記仲尼弟子
傳引詩作池

匪兕匪虎率彼曠野史記孔子世
家兩引詩

大雅

大雅言王公大人而德建黎庶

史記司馬相如傳贊

齊魯文王

齊魯進貌

楚辭九辯章句

陳錫哉周

史記周本紀引詩

世之不顯厥猶翼翼思皇多士生此王國

列女傳卷八引詩

濟濟多士文王以寧

說苑君道篇又修文篇又復恩篇新序雜事一列女傳卷一並

詩引

殷士膚敏裸將于京

孔子論詩至殷士膚敏裸將于京喟然歎曰大哉

天命善不可不傳於子孫是以富貴無常不如是

則王公其何以戒慎民萌何以勸勉蓋傷微子之

事周而痛殷之亡也

漢書劉向傳諫
皆起昌陵疏

無念爾祖聿脩其德

古文孝經引詩作毋孔傳作無
下句引作其孔傳同並據孔傳

大雅美文王之德也無念念也聿述也言當念其

先祖而述脩其德也

孔安國
孝經傳

唯此文王小心翼翼昭事上帝聿懷多福厥德不回

以受方國

新序雜事四引詩作唯祭
邑答齋議引上四句同

文王嘉之

不女傳卷一
引詩作之

大邦有子倪天之妹文定厥祥親迎于渭造舟爲梁

不顯其光

列女傳卷一引詩

太姒者武王之母禹後有莘姒氏之女仁而明道

文王嘉之親迎于渭造舟爲梁及入太姒思媚太

姜太任旦夕勤勞以進婦道太姒號曰文母文王

治外交母治外

列女傳卷一

維師尚父時維鷹揚

楚辭章句引詩

師之尚之父之故曰師尚父

正義引劉向別錄高士奇天錄識餘卷下

言武王伐紂將帥勇猛如鷹鳥羣飛

楚辭天問章句

繇

十二卷四十九

古公亶父復修后稷公劉之業積德行義國人皆
戴之薰育戎狄攻之欲得財物予之已復攻欲得
地與民民皆怒欲戰古人曰有民立君將以利之
今戎狄所爲攻戰以吾地與民民之在我與在彼
何異民欲以我故戰殺人父子而君之予不忍爲
乃與私屬遂去幽渡漆沮踰梁山至於岐下幽人
舉曰仁扶老攜弱盡復歸古公於岐下及他旁國
聞古公仁亦多歸之於是古公乃貶戎狄之俗而

營築城郭室屋而邑別居之作五官有司民皆歌

樂之頌其德

史記周本紀

古公舊父

聿來相宇

詩考引新序引詩作相

虞芮質厥成文王蹶厥生

西伯陰行善諸侯皆來決平於是虞芮之人有獄

不能決及如周入界耕者皆讓畔民俗皆讓長虞

芮之人未見西伯皆慚相謂曰吾所爭周人所恥

何往爲祗取辱耳遂還俱讓而去諸侯聞之曰西

伯蓋受命之君

史記周本紀

詩人道西伯蓋受命之年

稱王而斷虞芮之訟

同上

予聿有奔走予聿有先後

楚辭章句引詩作聿作走先後在奔走句下

奔走先後四輔之職也

楚辭章句

雕琢其章金玉其相

詩苑引詩作彫

言文質美也

說苑修文篇

莫莫葛藟施于條枚愷悌君子求福不回

說苑引詩列女傳卷

四引作藟愷悌作豈弟依說苑

鬼神且不同況人乎

說苑修文篇

思媚周姜京室之婦

列女傳云思媚太姜太任蔡邕和熹鄧皇后諡議云思媚周京

皆合二

句言之

太姒嗣徽音則百斯男

列女傳引詩

太姒生十男長伯邑考次武王發次周公旦次管

叔鮮次蔡叔度次曹叔振鐸次霍叔武次成叔處

次康叔封次卬季載太姒教誨十子自少及長未

嘗見邪僻之事及其長文王繼而教之卒成武王

周公之德君子謂太姒仁明而有德

列女傳卷一

成人有德小子有造

說苑建本篇引詩無肆字

天立厥妃

正義某氏爾雅注引詩作妃

莫其德音其德克明克明克類克長克君王此大拜

克順克俾俾於文王其德靡悔既受帝祉施于孫子

史記樂書引詩作莫

克俾俾放並作俾

侵阮徂共

阮徂共皆為國名

正義引魯詩之義

以過徂旅

新序雜事三引孟子文案孟子作祀舊劉向依詩改是魯毛並作旅也

經如靈臺

積思為愛積愛為仁積仁為靈臺臺之所以為靈

者積仁也。靈天地之木而為萬物之始也。是故文王始接民之仁而天下莫不仁焉。文德之至也。德不至則不能文。說苑修文篇

王在靈沼

沼池也

楚辭慰命章句

矇瞍奏工

楚辭章句引詩作工

矇盲者也

楚辭九章懷沙章句

文王有聲

孔安國孝經傳引詩

文王受命

魯詩故

卷中

詩人稱西伯受命曰文王伐崇密須大戎大作豐

邑史記齊太公世家

鎬京辟雍自西自東自南自北無思不服說苑修文篇引詩作

雍蔡邕明堂論引下三句

美武王孝德之至而自方皆來服從充于四海無

所不暨孔安國孝經傳

貽厥孫謀以燕翼子列女傳卷八引詩

厥初生民

文王之先為后稷后稷亦無父而生后稷母為姜

嫫出見大人躋而履踐之知於身則生后稷姜嫫
以爲無父賤而棄之道中羊牛避不踐也抱之山
中山者養之又捐之於澤鳥覆席食之姜嫫怪之
於是知其天子乃取長之堯知其賢才立以爲大
農姓之曰姬氏姬氏本也詩人美而頌之曰厥初
生民深修益成而道后稷之始也史記三代世表
稱少孫引詩傳
案漢書儒林傳褚少孫事王式爲
魯詩學此所引魯詩傳也後倣此聖人無父感天
而生正義引異義
齊魯韓詩說
棄母姜嫫者卽侯之女也當堯之時行見巨人迹

好而履之歸而有娠浸以益大心怪惡之卜筮禳
祀以求無子終生子以爲不祥而棄之隘巷牛羊
避而不踐乃送之平林之中後伐平林者咸薦之
覆之乃取置寒冰之上飛鳥偃翼之姜嫄以爲異
乃收以歸因命曰棄姜嫄之姓清靜專一好種稼
穡及棄長而教之種樹桑麻棄之性明而仁能育
其教卒致其名堯使棄居稷官更國部遂封棄於

部號曰后稷

列女傳
卷一

履帝武敏歆

武跡也

楚辭離騷章句

誕置之寒冰鳥覆翼之

言姜姬以后稷無父而生棄之於冰上有鳥以翼

覆薦溫之以爲神乃取而養之

楚辭天問章句案覆薦之說與補

少孫引詩傳覆席台列女傳以薦覆山自伐平林者平林之人薦覆之故鳥得以翼覆薦溫之益知

爲一家

之說

釋之淫淫蒸之煇煇

正義樊光兩雅注引詩作淫作煇案許慎說文解字火部引

詩亦

作煇

行輩

雪寺文

卷二十一

聖姬姬傳補校

卷五十四

卷五十四

卷五十四

昔者公劉之行羊牛踐葭葦惻然為民痛之恩及

草木豈欲殺不辜者乎列女傳卷六

肆筵設机楚辭招魂章句引詩作机

教弓既堅舍矢既鈞

言射有法也列女傳卷六

高明令終

日月光明正義樊光爾雅注引詩並說義

永錫爾類

類法也楚辭九章懷沙章句

龍爾女士從以孫子

列女傳卷一引詩

宜民宜人受祿于天

蔡邕上如加元服與羣臣上壽表引詩

不憊不亡率由舊章

說苑建本篇引詩作憊詩考云說苑作亡今本作忘仍依舊本

新序雜事五亦引此二句作憊作忘後人所改茲依說苑

夫不學不明古道而能安國家者未之有也

新序雜事

五

威儀抑抑德音秩秩

列女傳卷二引詩

媚于天子

蔡邕中鼎銘率彼百辟媚于天子用詩語

公劉

公劉雖在戎狄之間復修后稷之業務耕種行地
宜自漆沮度渭取材川行者有資居者有畜積民
賴其慶百姓懷之多徙而保歸焉周道之興自此
始故詩人樂思其德史記周本紀

乃裹餼糧

楚辭章句引詩作糧

糧糧也

楚辭章句

愷悌君子民之父母

古文孝經引詩作愷悌孔傳同說苑政理篇引詩作凱悌並依

孔傳

愷樂悌易也言君子敬以居身樂易於人其貴老

慈幼忠愛之心似民之父母

孔安國孝經傳

民之攸昭

正義釋元應一切經音義並引某氏爾雅注引詩作昭

來遊來歌以矢其音

列女傳卷六引詩作遊

愷弟君子四方爲則

列女傳卷五引詩作愷

頤頤昂昂如珪如璋

蔡邕上始加元服與羣臣上壽表用詩語作昂作珪

鳳皇于飛噦噦其羽亦集爰止藹藹王多吉士維治

子使媚于天子

說苑奉使篇引詩作皇作噦又引下二句楚辭章句引藹藹句

藹藹盛多貌

楚辭九賦章句

鳳皇鳴矣于彼高岡梧桐生矣于彼朝陽拳拳斐斐

魯詩故

卷中

圭嶠媛館補校

上卷五十六

雍雍喈喈

說苑雜言篇
引詩作雍

柔遠能迓以定我王

說苑君道篇新序
雜事四並引詩

猷之未遠是用大誅

列女傳卷六引
詩作猷作未

辭之輯矣民之協矣

列女傳卷六
引詩作協

辭之輯矣民之莫矣

說苑善說篇引詩作輯列女
傳卷六引作輯依說苑

夫辭者人之所以自通也

說苑善
說篇

我言維服

列女傳卷
一引詩

先民有言詢于芻蕘

列女傳卷
六引詩

老夫灌灌小子跼蹐匪我有耄爾用憂譖

列女傳卷
三引詩

多將痛痛不可救藥說苑引詩

亂召之治不可藥而息也詩曰多將痛痛不可救

藥甚之之辭也說苑并物篇

無為兮毗釋文引笑光爾雅注引詩

民之力殷明聲蔡邕和無丘皇后論議云人懷殷明之

明亦作明

相亂焚煢皆莫惠我師詩苑引詩作用

此傷奢侈不節以為亂也說苑政理篇

畏天之怒不敢戲豫蔡邕答詔問災異八事引詩作畏作不

疾威上帝其命多僻

說苑引詩作僻

言不公也

說苑至公篇

靡不有初鮮克由終

新序善謀篇說苑敬典篇並引詩作由

曾是強圉

楚辭章句詩作強圉

強圉多力也

楚辭章句

流言以對寇攘式內

列女傳卷七引詩

式號式呼俾晝作夜

言鬪行也

說苑貴德篇

曾是莫聽大命以傾

說序善謀篇說苑臣術篇列女傳卷三並引詩

枚葉未有書本實先敗

列女傳卷七引詩作敗

殷鑒不遠在夏后之世

亦言湯以桀為戒也

漢書劉向傳論星字山崩疏

即孔安國

無競伊人

蔡邕祖德頌云無競伊人又太傅胡公碑云所謂無競伊人溫恭淑慎者也用詩語

並作伊

有覺德行四國順之

新序雜事五列女傳卷五並引詩

覺直也言先王行正直之德則四方之衆國皆順

法則之也

孔安國孝經傳

敬慎威儀維民之則

列女傳卷五三引詩

告爾民人維爾侯度用戒不虞

說苑修文篇引詩作民人

慎爾出話敬爾威儀無不柔嘉

說苑君道篇引詩

白珪之玷尚可磨也斯言之玷不可為也

孔安國論語傳引詩

史記仲尼弟子引詩云而容三復白圭之玷即川論語孔訓作白珪今集解引孔作圭何晏所改茲

從中

無易由言無曰苟矣

說苑善說篇引詩

無言不齔無德不報

列女傳卷五引詩作齔

淑慎爾止不繇于儀

列女傳卷四引詩

不僭不賊鮮不爲則

列女傳卷五兩引詩

溫溫恭人維德之基

列女傳卷二引詩

聽用我謀庶無大悔

列女傳卷三引詩

取辟不遠昊天不弔

列女傳卷八引詩作辟

菀彼桑柔其下侯洵

正義某氏附雅注引詩作洵

惟此悲君民人所瞻秉心宣猷考慎其相

列女傳卷八引詩作

惟作猷

貧人敗類

列女傳卷三引詩

上下奠座靡神不宗

說苑引詩

魯詩故

卷中

天姬嬭館補校

七二五五九

言疾早也

說楚君道篇

申伯番番既入于徐

楚辭章句引詩作徐

番番男也徐偃王國名也周宣王之舅申伯所封

也

楚辭章句

天生蒸人

蔡邕胡廣黃瓊頌用詩語作人

令儀令色小心翼翼故訓是式威儀是力

列女傳卷二引詩作

故

既明且哲以保其身

列女傳卷三引詩

夙夜匪懈以事一人

說苑立節篇引詩作懈

柔亦不茹剛亦不吐不侮鰥寡不畏強禦

新序雜事四引詩作

野作

王猶允塞徐方既來

同上引詩

哲婦傾城

列女傳卷七引詩

懿厥哲婦為梟為鴟

同上引詩

婦有長舌惟厲之階

同上引詩作惟

亂匪降自天生自婦人

匪教匪誨時維婦寺

並同上引詩

婦無公事休其蠶織

言婦人以織紵為公事也休之非禮列女傳卷一

浩浩訖訖爾雅釋訓皐皐瑄瑄刺素食也釋文皐皐

皐說訖

心之憂矣寧自全矣列女傳卷八引詩作全

無忝爾祖式救爾訖列女傳卷三引詩作爾祖作訖

池之竭矣不云自濱泉之竭矣不云自中列女傳卷八引詩作

濱

魯詩故卷下

周頌

於穆清廟肅雍顯相濟濟多士秉文之德

漢書劉向傳引詩作

雍章元成傳引首句 案漢書儒林傳魯詩有章氏學據斬後倣此

文王既沒周公思慕歌詠文王之德

劉向傳條清異封事

廟之詩言交神之禮無不清靜

漢書韋元成傳

清廟一章八句治邑既成諸侯朝見宗廟祀文王之

所歌也

蔡邕

頌言成也一章成篇宜列德故登歌實

廟一章也

後漢書蔡邕志劉昭注蔡邕表志引詩傳

留詩故

卷下

如方留補校
十二卷六十一

不顯文王

楚辭章句引詩

不顯顯也

楚辭招魂章句

維天之命一章八句告太平于文王之所歌也

斷

假以濫我

正義某氏爾雅注引詩

維周之祚

同上引詩作祺

維清一章五句奏象武之所歌也

獨

子孫保之

蔡邕祖德頌用詩語

烈文一章十三句成王即政諸侯助祭之所歌也

獨

岐有夷之行子孫其保之

說楚君道篇引詩岐屬下讀保上有其字

天作一章七句祝先王公之所歌也

獨斷

昊天有成命一章七句郊祀天地之所歌也

我將一章十句祀文王于明堂之所歌也

並同上

載戢干戈載櫜弓矢我求懿德肆于時夏允王保之

史記周本紀引周公之頌

時邁一章十五句延守告祭柴望之所歌也

獨斷

降福穰穰

漢書劉向傳引周頌又正義某氏引詩

諸侯和于下天應報于上

漢書劉向傳條災異封事

執競一章十四句祀武王之所歌也

獨斷

思文后稷克配彼天立我蒸民莫匪爾極

史記周本紀引詩作

蒸列女傳卷

一引上二句

思文一章八句祀后稷配天之所歌也

獨斷

節我釐麴

漢書劉向傳引詩作節作釐麴

釐麴麥也始自天降此皆以和致和獲天助也

漢書

劉向傳條

災異封事

臣工一章十五句諸侯助祭遣之于廟之所歌也

獨斷

播厥百穀

播種也

楚辭九章惜頌章句

噫嘻一章八句春夏祈穀于上帝之所歌也獨斷

振鷺千飛千彼西廂蔡邕薦皇甫規表云以廣振鷺西廂之美用詩語作廡

振鷺一章八句二王之後來助祭之所歌也獨斷

豐年多黍多稌亦有高廩萬億及秭為酒為醴烝畀

祖妣以洽百禮降福孔偕說苑貴德篇引詩作偕楚辭章句引為酒句

醴醴酒也楚辭九款章句

豐年一章七句烝嘗秋冬之所歌也獨斷

有瞽有瞽楚辭章句引詩

瞽盲者也楚辭九章賦沙章句

有瞽一章十三句始作樂合諸樂而奏之所歌也獨斷

潛一章六句季冬薦魚春薦鮪之所歌也同上

有來雍雍至止肅肅相維辟公天子穆穆漢書劉向傳韋元成

傳引詩作雍

言四方皆以和來也漢書劉向傳修災異封事

雍一章十六句禘太祖之所歌也獨斷

載見一章十四句諸侯始見于武王廟之所歌也

有客一章十一句微子來見祖廟之所歌也

武一章七句奏大武周武所定一代之樂之所歌也

並同上

遭家不造

蔡邕和熹鄧皇后諡議又太傳文恭侯胡公碑又宗廟祝嘏辭並引用詩語

閔予小子一章十一句成王除武王之喪將欲卽政

朝于廟之所歌也

獨斷

訪落一章十二句成王謀政于廟之所歌也

同上

學有緝熙于光明

蔡邕上始加上元服與羣臣上壽表云緝熙光明約用詩語

佛時仔肩示我顯德行

說苑君道篇引詩

敬之一章十二句羣臣進戒嗣王之所歌也

獨斷

小毖一章八句嗣王求忠臣助己之所歌也

同上

千耦其耘

耘耔也楚辭九歎章句

徂隰徂畛

畛田上道也楚辭大招章句

載芟一章三十一句春籍田祈社稷之所歌也斷獨

以秣藻蓼正義某氏爾雅注引詩作秣作藻

良耜一章二十三句秋報社稷之所歌也斷獨

絲衣其絃會弁侑侑杜佑通典卷四十四引五經通義引詩作絃作會案五經通

義劉向撰所引詩亦魯詩也

靈星爲立尸故云絲衣其緝會弁俶俶言王者祭

靈星公尸所服之衣也五經通義言王者以下引傳亦魯傳

自堂徂基自羊徂牛

說苑引詩

言以內及外以小及大也

說苑詩賢篇

飛鼎及鼐

鼎小鼎

說文解字鼎部引魯詩

下虞不驚胡考之休

史記封禪書引詩作虞作驚

絲衣一章九句釋賓尸之所歌也

斷

酌一章八句告成大武言能酌先祖之道以養天下

之所歌也

桓一章九句師祭講武類禡之所歌也

賚一章六句大封于廟賜有德之所歌也

並同上

懷柔百神

正義某氏爾雅注引詩

紂在位文王受命不及泰山武王克殷二年天下

未寧而崩爰周德之治維成王成王之封禪則近

之矣

史記封禪書引詩

於釋思

釋文哀蒲侯反下出於釋思云毛詩無此句齊魯韓詩有之今毛詩有若衍文也崔集注

本有是採三家之本崔因有故解之

般一章八句巡狩四嶽河海之所歌也右詩三十一

章皆天子之禮樂也

獨斷案釋文云齊魯韓詩有於釋思一句則當云般一章八

句今獨斷作一章七句當是明人重刊本順毛而改茲據釋文訂正

魯頌

君子有穀詒孫子

列女傳卷一引詩

思樂泮水薄采其苕

白虎通引詩作苕下引詩訓是魯詩

水圓如璧諸侯曰泮宮者半於天子宮也明尊卑

有差所化少也半者象璜也獨南面禮儀之方有

水耳其餘壅之言垣宮名之別尊卑也明不得化

晉詩故

卷下

如好句補
十二卷六十六

四方也

白虎通辟雍篇引詩訓
即後漢書補志注所引魯訓

案泮水者泮之

言半也天子曰辟雍謂以土雍水外員如辟故曰

辟雍義取四方來觀者平均耳泮宮水雍其半蓋

東西門以南通水北無水也

通典卷五十三
引五經通義

戟色載笑匪怒匪教

列女傳卷一
引詩作匪教

思樂泮水薄采其茹魯侯戾止在泮飲酒

說苑雜言
篇引詩

淵此翠醜

正義某氏爾雅
注引詩作淵

矯矯虎臣在泮獻馘

蔡邕明堂
論引詩

詒我德音

楚辭九章惜頌章句引詩
案即毛詩之懷我好音也

來獻其琛

蔡邕和熹鄧皇后諡議引詩

赫赫姜嫄其德不回

列女傳卷一引詩

白牡騂剛

周公祭天命郊故魯有白牡騂剛之牲

史記三王世家

戎狄是應荆荼是徵

史記建元以來侯者表引詩作應作荼作徵又衡山列傳引與

毛詩同後人所

改茲依年表

壽胥與試

新序引詩

美用老人之言以安固也

新序雜事五

太山巖巖魯侯是瞻

說苑雜言篇引詩作太作侯是

寢廟奕奕

言相連也

獨斷引詩云云

商頌

溫恭朝夕執事有恪

列女傳卷二引詩

嗟嗟烈祖

殷中宗周成宣王皆以時毀

正義引異義魯說承相匡衡案匡衡治

齊詩此引魯說及匡衡齊說也

天命玄鳥降而生商

史記三代世表列女傳卷一並引詩

湯之先爲契無父而生契母與姊妹浴於玄邱水

有燕銜卵墮之契母得故人之誤吞之即生契契
生而賢堯立爲司徒姓之日子氏子者茲茲益大
也詩人美而頌之爲殷社芒芒天命玄鳥降而生
商商者殷號也史記三代世表補少孫引詩傳詩言契生於卵后
稷人迹者欲見其有天命精誠之意耳同上補少孫答張表
子

殷社芒芒

見上

有娥方將立子生商

列女傳卷一引詩無帝字

契母簡狄者有娥氏之長女也當堯之時與其妹

娣浴于玄邱之水有玄鳥銜卵過而墜之五色甚
好簡狄與其妹娣競往取之簡狄得而含之誤而
吞之遂生契焉簡狄性好人事之治上知天文樂
於施惠及契長而教之理順之序契之性聰明而
仁能育其教卒致其名堯使爲司徒封之於亳及
堯崩舜卽位乃敕之曰契百姓不親五品不遜汝
作司徒而敬敷五教在寬其後世世居亳至殷湯
爲天子君子謂簡狄仁而有禮詩云有妣方將立
子生商又曰天命玄鳥降而生商此之謂也

列女傳卷

率履不越

說苑復恩篇引詩

湯降不遲

聖敬日躋說苑雜言篇引詩

爲下國嘏郵

禮記郊特牲鄭元注引詩作嘏郵正義云齊魯韓詩也

郵謂民之郵舍言成湯施布仁政爲下國諸侯在

嘏民之處所使不離散

正義

武王載旆有虔秉鉞如火烈烈則莫我敢曷

新序雜事三引

詩

濯濯厥靈

釋文與光爾雅注引詩

壽考且寧

蔡邕京兆樊惠渠頌用詩語